

Sokong misi nasional – PM

um - 19/4/2007

KUALA LUMPUR 18 April – Perdana Menteri, Datuk Seri Abdullah Ahmad Badawi berkata, rakyat Malaysia perlu berusaha bersama-sama untuk menambahkan nilai kepada negara memandangkan ia merupakan perjuangan bersama untuk membawa negara ke tahap yang lebih tinggi.

“*Be positive*, jangan cepat sangat perlekeh. Ada usaha untuk perbaiki.

“Kalau ada sokonglah, itu kerja semua orang. Itu perjuangan kita, supaya kita boleh

ramaikan golongan yang maju.

“Ini adalah usaha-usaha untuk memberi nilai kepada bangsa... tambah nilai pada hasil kerja, tambah nilai kepada bangsa.... itu misi nasional,” katanya dalam rakaman ucapan dan amanat yang disiarkan Radio Televisyen Malaysia (RTM) melalui saluran RTM 1 malam ini.

Rakaman yang disiarkan selama sejam itu bertemakan Misi Nasional Sepanjang Hayat telah dibuat ketika Abdul-

lah yang juga Presiden UMNO menyampaikan amanat itu pada majlis Ramah Mesra Presiden UMNO bersama jentera politik dan gerak saraf UMNO di ibu negara, Jumaat lepas.

Dalam ucapannya itu, Perdana Menteri telah menyentuh mengenai misi nasional dan mengenai perlunya penambahan nilai yang dapat membentuk modal insan cemerlang yang menjadi misi sepanjang hayat.

– Bernama